

ARCHIVI

de leterature furlane antighe e moderne

*Biele lenghe furlane fortunade!
cumò sarà di te pûr fate stime
e plui d'ogn'altre tu saràs loldade.*

GASPAR CARABÈL (Rumtòt
cirche 1630)

Cheste dispense 'e contèn :

I ritrâç di Guido Podreche, Vigi Greât,
Pre Josèf Comèl, Zaneto Cossâr,
Avocat Leitemburg, Dree Blanch,
Checo Nascimbèn e Ròmolò Bianchi.

Guidòn Salvadi (Guido Podreche) - LA STRIE
pa'-i ans 1892, 1893 e 1894.

Costantin Smaniotto - TITUTE LALELE
comèdie in 3 aç. (cont.)

Cu-la publicaçion de quinte dispense il letôr nò-l pò plui dubità che l' **Archivi** nò-l vebi di vivi. Viarzin quindi un abonamènt a 10 dispensis al presi di 12.50 franchs par l'interno e di 15 par l'èstero. L'impuàrt si pò speul cun minime spese su-l **Cont corint postâl N. 8 - 69 Udin, place Vitorio Em. 9 A.** Indicà da quale dispense si intind sei abonâç.

I abonâç dirèç e' gioldaràn ches-c vantâç :

- 1) Di ricevi al presi di cost cuviartine, frontespîçi e indiç par leà il volùm;
- 2) Di podè ritirà la dispense o lis dispensis riservadis tiradis in limitatissim numar di còpiis par i studiòs, che contègnaran i branos di caratar masse libar;
- 3) Di ricevi al stess presit àncie lis dispensis che varàn, in sfueis separaç e in ciarte patinade, i ritrâç dai benemerìç de lenghe furlane. Lis ilustraçions saràn nome pa-i abonâç.

Dopo finide la publicaçion des poesiis di Podreche, si scomençaràn a dà fûr des òparis di un o l'altri fra ches-c tre autòrs in gran part inediç: **Eusebi Stele** di Spilimbèrg, **Florendo Mariuçe** di Ciampfuarmid, **Cont Tite Puarte** di Udin. La seste dispense varà vot ritrâç.

Si ricuarde che i Rivenditòrs e' han l'obligh morâl di rimandâ in bon stât lis còpiis non vindudis e di pajâ chês che nò tornin indaûr, sençe bisugne di sei sbordonâç.

Par un ceno su-la vite e su-lis òpari di **Greât, Comèl, Cossâr, Leitemburg, Nascimbèn e Bianchi** fasin assegnamènt su-la colaboraçion dei abonâç.

Cheste prime tàule dople si distribuisc àncie ai non abonâç.

Stabilimènt Tipo-Litografich **BEPO TABÀCH** — Sandenèl dal Friûl

Dispense imprestade, jê dispense piardude o almanco uastade

TITUTE LALELE ~ Comédie in 3 at di C. SMANIOTTO

(Continuación dal second at)

VENÂNÇIO — Sior Tita, el me ga messa l'anima in pase.

TITUTE — Anche mi son in pase. Ma, guerra.

VENÂNÇIO — Guerra (*al bêv*)

TITUTE — El vedará che guerriero.

VENÂNÇIO — Sì, la pol esser una busia, la xe evidente. Ma, mi digo: chi galo de esser sta?!

TITUTE — Chesta, siôr Venânçio, 'e jé dute farine dal sach di chê figure porche di Agnul Basandiele che nò-l puèsc dâ-si la pâs che jo 'o puedi diventâ podestât di Surisins e che lui al sospiri par mê fie Esterine. Al-hâ roseadis lis vacansis lá di so cugnât, a Vignésie, al varà viodude Lussie ed Esterine e nus varà mitût in burlete duc-i-doi.

VENÂNÇIO — Così la xe... lo giureria anca mi. (*al sune il campanèl de buteghe*)

TITUTE — Sito, sito, siôr Venânçio, di dut ce ch'al-è sussedût.

VENÂNÇIO — Nol convien parlarghene, perdina.

TITUTE — (*a la puarte de buteghe, che jé viarte*) Al-è siôr Mòmoło.

VENÂNÇIO — Novità de sierto.

SCENE SÉTIME

MÒMOLO — (*al ciente stand dentri, avind bivûf*) Se quel guerrier io fossi
Se il mio sogno s'avverasse

TITUTE — Son-o buinis gnovis, ch'al-è cussí contént?

MÒMOLO — (*entrând*) Signori riveriti.

TITUTE — Un ratafià (*lu serv, e Mòmoło al bêv*)

VENÂNÇIO — Novità, ciò Mòmoło.

MÒMOLO — Semo al momento decisivo. El documento el xe in viaggio de sicuro. Mi, in prevision, go fato preparar la fanfara del Ricreatorio e lu, sior Tita, el se tegna pronto e preparà al gran avvenimento, perchè el popolo el xe impassiente de acclamar al primo podestà.

TITUTE — E il sindich e i assessórs in-dulá son-o?

MÒMOLO — I xe tuti in attesa del gamion. La música la xe sconta par no far maron come ieri, ma ancuò no se pol falar.

VENÂNÇIO — Bevi allora, bevi (*Titute al ciamine nervôs su e jù pe' stançe e ogni tant al bêv un bicierín di ratafià*).

MÒMOLO — E lu?

VENÂNÇIO — Se tuto andarà ben, mi parlerò al popolo da quel balcon là. El discorso el xe pronto da do setimane.

MÒMOLO — Bene, benon. El se prepari al lieto evento alora. In alto i cuori, sior Tita.

TITUTE — 'O soi pront, par die.

SCENE OTAVE

CÁNDIDE — (*'e anünçie che son rivadis Lúçie e Esterine*) E' son ca lis sioris.

MÒMOLO E VENÂNÇIO — Alora el gamion el xe rivà.

VENÂNCIO — La sarà qua Esterina; me trema el cuor.

TITUTE — 'O soi dut sot-sore.

MÒMOLO — Allora mi no fasso in tempo e speterò qua anca mi.

TITUTE — Risòt cu-lis quais, come 'vin dite.

LÚCIE — (*jentrând, e daûr di je Esterine*) Po' nò son-o lâc al cambiòn ance lôr.

ESTERINE — Cun dute chê confusiòn che jé! Siôr Venâncio patròn.

VENÂNCIO — (*ciapânt il capòt*) Spetemo qua signorina.

MÒMOLO — (*a Titute*) Ghe penso mi (*a Esterine*) La conti, la conti, signorina.

TITUTE — (*a Cândide che lu scovete*) Nèti-mi in gamba, sas-tu.

ESTERINE — (*a Mòmo e a Venâncio*) E' han fat vignî fûr la mûsiche.

MÒMOLO — (*a Titute*) Ghe semo. (*Venâncio al fevele cun galantarie cun Esterine.*)

TITUTE — (*a Cândide*) Prime dal gustâ biscòç e marsale; has-tu capît? Prepare dut fûr, che el popul al-ûl bagnâ el glotidôr di sigûr.

LÚCIE — Jesus ce strache ch' 'o soi (*si sinte*). Cui sa puar Agnul, ve'!

TITUTE — Siôr Mòmo ch'al mi spieghi 'mo. (*Mòmo al spiegha a Titute*)

VENÂNCIO — (*a Esterine*) Stanca, è sicuro stanca.

ESTERINE — Tanto...

VENÂNCIO — La se riposi signorina, la se senta quâ. (*al parècie dôs ciadreis. Esterine si sinte viçin di lui*) Ogni promessa è un debito. No savaria da che parte scominsiar, ma ghe voria dir una parola... (*e' fevelin insieme. 'e sune la mûsiche dentri*)

LÚCIE — La mûsiche, la mûsiche 'e ven vie par ca (*al balcón*) (*Cândide 'e puarte fûr ogni ben di Dio*)

MÒMOLO — (*continuând il discòrs cun Titute*) Ma se capisse. Comincerò mi a sigar "Viva el Podestà",

SCENE NONE

PRE NOÇÈNT — Soi rivât a timp. (*rivolzin'-si a Mòmo e a Titute*) Is-e vere?

MÒMOLO — Pre Nocente benedeto.... Verissimo.... e po ghe sarà el risoto co le quaie.

CÂNDIDE — (*sole*) Al sta fresch! al-è dut brusât.

PRE NOÇÈNT — Sursum corda! siôr Tite (*al va a congratulâ-si*)

MÒMOLO — (*a Venâncio*) El se tegna pronto per el discorso (*Venâncio nò-l rispuind; al-è dut infervorât a discori a Esterine*) Sì, chi lo move? Gnanca una bomba.

TITUTE — (*a Pre Noçènt*) Ma, lu disin lôr, iò ancemò nò sai.

LÚCIE — (*dal balcón*) E' stan par rivâ, e' stan par rivâ. (*duc e' corin donge il balcón*) (*Esterine e Venâncio e' restin al so puèst*)

TITUTE — Sior Venâncio, el discorso. (*gran strepît di mûsiche e di eviva*)

VENÂNCIO — (*distrât*) Lo so a memoria (*al si dispòn par lâ al balcón*) Signorina vienla (*al si jeve sù. In chel Mòmo Bressân al bandone duc e al còr fûr come une saete sberlând*)

MÒMOLO — I ghe siga viva a Basandella (*a Venâncio*)

VENÂNCIO — Cospeto che voltada!

ESTERINE — O Dio! che delusión. (*nò sta in pîs. Venânçio la compagne fin a la ciadree e al si met dúngie a consolâ-le*) Ghe tigniva tanto, povero papà.

VENÂNCIO — Che disdetta.

TITUTE — (*al si slontane de fignesre clopând come che al foss ciòch. Pre Noçént si ritire e Mòmoło che al si jere fermât su-la puarte, prime di lâ al dîs*).

MÒMOLO — El mio dover me ciama là. Comparmesso a tutti (*vie*) (*gran fracáss, evivas e músiche*).

TITUTE — (*lassánd colâ i braç*) 'E jé veretât di Vanzeli: Dagli amici mi guardi Iddio. (*'te ciámare nò-l'è pluî nîssûn fâr di Venânçio 't-un ciantòn e di Esterine che vâi. Lúcie su-l balcòn 'e bat lis mans cun calôr*). Ma parcè mi han-o lassât bessòl?... E' son duc s-ciampâç sençe saludâ-mi, sençe une perâule di confuárt. Nò rèsti-o simpri Titute Lalele ance sençe podestarie? Sói-o diventât une figure porche di un momént a l'altri?

SCENE DÉCIME

(*Cándide entre e si met dúngie Titute, mostránd Lúcie che bat lis mans al gnûv Podestât*).

CÁNDIDE — Viódi-al se 'o disevi la bausie?!

TITUTE — Mostre, mostre, cent-mil voltis mostre. 'E jé rivade l'ore di meti in clâr dut-quánt. (*Lúcie 'e lasce il balcòn e 'a va fâr da la puarte di mièç*).

CÁNDIDE — Benón! un mâl par-sore chel altri. Ch'al bevi intánt e ch'al lasci passâ la buras-ce. (*j met di bevi e 'a bèv áncie je*).

VENÂNCIO — (*al sbote e al si bute in zenoglón devánt di Esterine*) Perdonime Esterina... perdonime Rina, Rinetta. Perdonime.

ESTERINE — De che cosa, caro?...

VENÂNCIO — So sta 'na carogna a credirghe ale insinuazion de la letara.... (*Cándide si nacuárz di Venânçio e 'a bat sun-t-une spale di Titute che al si volte e al ciale*).

TITUTE — Nò mi han duc bandonât...

CÁNDIDE — Viód-ial 'mo? (*'e va vie planchín, disínt*) 'O torni subit.

VENÂNCIO — (*continuánd*) 'Na carogna; Rinetta cossa distu? Piansistu? Rina dal mio cuor, vardime. (*Titute al si sofle il nâs cu-l'intençión di fâ capí a Venânçio che nò-l'è sòl e che al si lasce traspuartâ un pôch masse*) Piansistu?... I to ocioni i deve sempre ridar come la to boca. Vustu che te suga le lagrime con do basi? (*la busse e po' si volte di colp*) O Dio... no credevo...

TITUTE — Almancul un che nò mi vedi bandonât. Solo che lu, solo che lu el xe restà.

VENÂNCIO — Sior Tita mio carissimo, nell'ora del dolor se conosse i veri amissi. Quà dentro do soli i patisse par lu. Mi e la so Esterina.

A chest ca pensât nò 'vin,
ma il spetacul si darà;
e magari 'o pajarín
qualchidún par là a scoltà.

E cussì i nestrìs ciantânc
cun dei spetatôrs pajâc,
ben che sedin... diletânc,
nò sarân sicûr fis-ciâc.

A Udin, per Nadâl, spetacul *scîch*
preparât da l'imprese di Bolzîch,
al fâs tant entusiasmo, tante plene
che svolin fin lis bancis su-la scene.

E culi mi ritiri par chist an
prometînd ai Furlâns che il miò *Lunari*,
amât dal galantóm, dal popolân,
odiât da l'intrigânt, da l'usurari,
simpri, fin che l'è flât, salterâ fûr
par meti un pôch di clâr lâ che l'è scûr.

LA STRIE par l'an 1893

PREAMBUL

Bisugnarèss che il miò lunari dut,
chist an foss dedicât al gran Zorût,
opûr a chel gran omp par podê rindi
l'onôr che 'l merte, iò mi less a scuindi.
Difati nò, puars diâui di cianta-stòriis
çe sin-o mai di front a lis sôs glòriis?
Çe-mût 'vê cûr di scrivi de's strieriis
quând che lui l'ha lassât tantis poesiis?
Quând che il so, come il ciânt del rusignûl
si lu sint anci-mò par il Friûl?

E' son passâc *cent ains* che l'è nassût
ma il ricuârd del so inzén nò-l'è piardût;
il nestri popul l'ha anci-mò 'ta-l cûr
dei siei bieî viârs il delicât sussûr:
la gran dolceçe e la malinconie
e il sentiment che l'è in-tê so poesie;
il spirit murbinôs des lunaçons,
e l'immense alegrie des sôs cançons.
Çe-mût, çe-mût puedin-o ciantâ plui,
quând che dut-quânt il biêl lu ha ciantât
(lui?)

E-pûr, cialait, mi pâr vignude l'ore,
propri chist an che il gran Zorût si onore,
di mandâ fûr un volûm di poesiis
miezis gnovis e miezis de lis **Striis**.
E mi pâr cun chel piçul volumût,

di fâ onôr al miò mût al gran Zorût;
parçè che iò nò ciati nie plui ciâr
che di podê mostrâ-mi so scuelâr.
E in chist 'o hai vude buine volontât
se âncie l'estro e l'inzegn mi han manciât.

Soj-o ruscît? Cui sal... Son des anadis
che lis poesiis son fregul calcoladis:
Duc-quânc e' pensin dome al carantân,
e i artis-c son butâc in-tâ-l ledân.
La science, l'art, la glòrie e la poesie,
di front ai bêt nò son stimadis nie;
e va-e-nò-vá che i libris di Zorût
sedin doprâc par inciantâ persût.
Dúncie çe meravee che i miei *lunaris*
finissin âncie lôr... 'ta-i necessaris?

Però nò mi avilisc in su-l plui biêl,
e tignind il gran Pieri par modêl;
cialând a lui che in vite l'è restât
poète simpri, e simpri disperât;
pensând che merte plui rispiet e onôr
un'ongule di artist che dut un siôr,
'o uei continuâ simpri a fâ il poete,
âncie a cost di restâ simpri in bolete.
Par chist scomençi subit, su doi pîs,
a mandâ pa-l Friûl chist prin avis:

Avis

Mi disin tanc di lôr
poete di cartèl;
plen di murbin, di scuele,
di sâl in-t-âl çerviel.

Mi disin: Pe'i lunaris
nò-nd-è miôr di te!
I strolchs de to stampe
son muârç al dí di uè!

Chestis son dome ciácaris,
miei brâs e boins furlâns;
la veretât jé cheste:
Nò vegnin carantâns.

Il gran Zorût, il mestri
ch' 'o hai simpri venerât,
al veve su-la bòcie
'ste grande veretât:

Âncie il poete, il strolch,
l'ha il viçi di mangiâ:
la lump che j mâncie l'ueli
'e finisc cu-l crepâ.

Capis-o 'mo la solfe?
Iò 'uei spiegâ cun chest
che nò mi bastin ciácaris,
ma che mi ocôr... il rest!

Se nò, cu-l miò lunari,
'o hai dome la risorse
di fâ viarzi la bòcie,
e fâ siarâ la borse.

E a mi po' mi covente
che il siôr e il contadín
nò láudin cu-la bòcie
ma inveçe cu-l tacuín.

E par fâ che duc-quânc sedin contênc,
e poete, e letôrs, e cûr, e pançe
hai 'olût pensâ ai mûç plui conveniênc
di fâ un afâr pe' glòrie e pe' finance:
Ossie di meti fûr dut 't-une volte
des mes poesiis furlanis la raccolte.

Sòl cun doi franchs un bièl volûmp
(stampât

là di Fúlvio cun dute elegânçe.

Dut chel che par sís ains 'o 'vês ciatât
'te-i lunaris faç sù di circostânçe;
e des gnovis poesiis mai plui vidudis

ch' 'o hai tignût fin cumò scuindudis.

Insome, cençe stâ a dí tantis stòriis,
varês dute la vite del Friûl,
cu-i siei petegolêç, cu-lis sôs glòriis,
cu-i siei dîs di soreli e i dîs di nûl:
il volûmp, garantisc che nò-l'è ciâr;
ma, folch-mi-brusi! se 'l va mâl l'afâr,
'o buti al diamber lunaçions e sanç
e 'o voi a-tôr a vendi fulminânc.

De l'an in generâl

Simpri frêd vie par l'Unviâr,
ben par chel che l'ha il tabâr;
ma cun dut il ciâld d'Istât
simpri mâl pa-l disperât.
Primevere o-pûr Autún
brut par chel che l'è a disiún;
ma in Autún o in Primevere
il siôr giòld a une maniere.
Po' çe zòvi-el strolegâ
se cussí la lassait stâ?
Nò, nò zovin lunaçions
'co restait simpri mincions.
Ves-o, simpri con sudôrs,
di ingrassâ guviâr e siôrs?...
Il lunari, che nò-l fale
segne l'ore di mudâ-le!

Zenâr

Bon principi de l'an! -- mi han
(augurât —
cui ben principie l'è a metât de l'òpere,
e iò chiste matine 'o hai scomençât
cu-l fâ, jescínd, dute la s-ciale a tòmbulis.
E cussí tant pulit 'o hai principiât,
che dome in somp al viâç mi soi fermât.

Su-l puínt dal Nadisòn, 'ta-l pujulût,
laít par gust a sintí çe bièl cialdût!

Catinute 'e ha tre morôs,
e del rest son âncie pòs;
je sostén che a fâ l'amôr
di sigûr nò piârd l'onôr.

Nò j-u ten par interess,
che ha del so par vivi istèss.
Si capisc, nò ocorin scusis,
'e j-u ten... par stropâ busis.

Dopo vude la ferade e la stacion
âncie i civilalès varessin voje,
par podê dâ-si un freghenin di ton,
di 'vè un blech, come a Udin, di tetoje.

Fevrâr

Miò marit — dis une siore —
el-ha un fâ che l-inamore;
lui l'è plen di sentiment,
lui di dut el'è contènt;
lui al viârç duc-quânc i dîs
la so ciase pa-i amîs;
lui l'è bon come une paste
tant tener... che nò-l baste.

E çe frêd ciân! si ris-cie di inglaçâ-si:
fortunâç chei che puedin taponâ-si.
E di che sin duc fradis 'ta-l creât
ma il siôr el va in pelice e il puer slambrât.

A Udin 'o hai vidude siore Zese ¹⁾
a braç, in-tâ-l vegliôn, di un marchesin.
'E si deve un gran ton e une pretese
per jessi al flanch del nobil moscardin.
Ma plui tard, propri al'ultim dal vegliôn,
'o la ciati avilide e desperade;
in miêç a tant sussûr e confusiôn,
'e zirave bessole e inmusonade.
Nò; nò j podeve capitâ di piês:
po' nò vevj-e piardût il so marchês?

In chist aniversari 'o vajarèss
pensând al gran Zorût che nò-l'è plui;
ma l'ere tant bièl tipo che, da-bôn,
mi ven di ridi sôl 'co pensi a lui!

Març

Çe religiôn! dopo tant balâ
cumò po' si va in glésie a morosâ.

1) Ostere di Cividât.

Di fûr 'o 'vin il frêd e l'umidût;
e iò inveçe in sachete 'o hai ciâld e suf.

Primevere

O tempora! O mores! ¹⁾

Une volte si viodevin
in-té-l mássimo cafè ²⁾
i plui nòbii citadîns
insediâç su-i canapè.
Dei veciôn cun tant di barbe,
cun gran ton di autoritât,
e' tignivin sù il decoro
di chist nestri Çividât.
Duc in guânc, cun tant di cane,
pantalóns a l'ultim ton;
duc i dîs in veladine,
e la fieste in veladôn.
Çiârç bastóns cu-l pomul d'aur
o di avori lavorât,
gran orloi e gran ciadenis
su-l gilè dut recamât.
Dei tabârs de l'altri secul
gloriôs di antichitât
che dal pari discendevin
ju pe-l fi in ereditât.

A la sere si metevin
tôr-a-tôr dei tavolîns,
disgotând cun gran sussiego
i cafès cu-i bicierîns.
Discorevin di polítiche,
di progrès, di religiôn
molând fûr cun gran prudence
la lôr nobil opiniôn.
Qualchi volte si animave
la questiôn in-té assemblee
ma a la fin e' si ciatavin
duc d'acordo in-t-une idee:

1) Perâulis di Cicerôn lamentan'-si dai tîmps
gnûvs in cui i custûms jerin gambiâç in piês.

2) San March in place dal Domo.

*“L'operaio stia soggetto
al suo nobile signore,
e il signore sia devoto
a Francesco imperatore!”*
Guai se qualchi lavorènt
al vess vût l'estro di entrâ:
*“Per il popol non c'è posto
sul velluto dei sofà”*.
Ançi i vècios e' contavin
che nissún l'ere açetât
se nò-l veve duc in ordin
i siei quârc di nobiltât.

E cumò? Cumò si viodin
ciârc pandolos del prin pël,
sençe gran di conveniënçe
sençe sâl in-té-l çervièl,
sençe un pócie di modèstie,
sençe quârc di nobiltât,
sençe fregul di rispièt
per i siôr di autoritât;
vignî dentri cu-l virgínie,
cun-t-ún blech di veladine;
cu-lis scarpis a l'inglese
cu-la brave baguline;
il ciapièl di últime mode,
e magari intinzût,
il soprabit ciocolate,
cun il baver di velût;
orloi d'aur, o di letón,
e ciadene di dublè, ⁽¹⁾
che sglinghigne cu-l brelòch ⁽¹⁾
su-i botóns dal bièl gile;
i colèç cun tant di pichis,
chèi che gratin sot il cuèl,
maneghíns che s-ciampin fûr,
guánç lavâç, ma vere pièl...

Cun-t-ún ton di me-ne-impipo
vignî drenti in-té-l caffè,
e butâ-si a bot-a-sclòp
stravacâç su-i canapè:
*— Cameriere! un bicierín!
Presto! digo! la gazeta!
Oe! Dormimo? Come xela?*

(1) Vòs manciánç in Pirone.

Xe mezz'ora che se speta! —
O-pûr ch'est suçèd plui spess:
*— Camerier! presto, accidenti
un bel goto de acqua fresca,
un giornal e un stecadenti! —*
Qualchidún, a di-le juste,
nò-l'ûl fâ-si mincionâ,
siché l'òrdine cu-l'aghe
quatri gotis di mistrà.
E cussí chèi spendaciôn,
pe'-s ciadreis, pe-i canapè,
comandânt e sbevacând
son i princips del caffè.

I aventòrs del timp antich
e' sbrundulin 'te-i ciantóns:
*— Çe del diaul, ma chist caffè
el'è plen di safaróns!*
A nô-altris nò nus plàs
dute cheste confusiôn;
siòrs, pivei in comunele,
sençe gran di distinciôn.
Dute cheste mescedançe
tra plebeos e autoritât,
cavalírs e schinca-penis!
Culí un cont, lá un impiegât!
O çe tims! o çe progrèss!
Cheste 'e jé democraçie;
che nò vevin mai vidude
prin di 'vè la ferovie!
Il progrèss el sará bièl,
rispetabil, ma del rest,
l'ere miôr ai nestris tims
quând che ognún steve al so puèst. -

Ma i pivei nò si scomponin,
lòr 'e lascin ciantâ i vècios;
e po' tachin sot a un sold
une filçe di cotècios.
O-pûr qualchi brisculute,
o — però se nò-l'è tard
di dovè impiâ i lusórs —
quatri botis di biliárd.

Po' 'e ciacarin di polítiche,
e li e' ciatin il pretèst,
ricuardan'-si lis triestinis,
di sberlà "Vive Triest!",
È po' e' ciolin sú i giornai,
cun-t-ún fâ di noncurance,
per ualmâ, cussi di svol,
lis notiçis di finanze.
Però intânt la signorie,
che nò pò parâ-ju fûr,
'e pretind di svindicâ-si
cu-l ciantâ-j-gi par/daûr:
— Cun chis-c quatri pivelûç,
cun chis-c quatri milordîns,
chist cafè si pò clamâ-lu
il cafè dei spudacîns. —

Il canociâl da un pôch el mi scantine:
nò-l'ha chê fuarçe, nò-l si slungie ben:
il soreli o la lune nò-l vicine
dal çil a ca, come si convèn.
Insome il canociâl plui nò mi scolte,
e nò-l tire lontân come une volte.

Gènio ¹⁾ l'ha fabricât un bièl casin,
di vere architeture a crocantîn.

'Co l'è il timp des eleçions,
duc e' fasin afarons
da-per-dût si sint in coro:
Mancul mâl che 'l zire il boro!

Avrîl

Ben tornade çisilute
per i ciâmps e pe'i zardîns;
svelte, fâs la to ciasute,
e imbastisc dei çisilîns.

Se i struménç rispuindîn ben
dût il mès varîn serèn.

In parlamént fasin un gran sberlà,
ma po' e' son duc d'acordo... nel mangiâ.

1) Il nodâr De Senibus.

E çe demòcraçie! Viôd tanc di lôr
lâ a-tôr in veladîn a l'ultim ton;
façolèç di batiste cu-l'odôr,
scarpis inglesis, di èbano il bastôn;
mièç metro di colèt su-l glutidôr,
simpri duc ocupâç a fâ di *liôn*:
ma cun duc i vistîç di milionârs
si viôd che son scrivâns o butegârs.

Maj

Pinf! Paf! une saete,
çe colp di tamburôn!
se ciape su-lis çimis
nò ciaperá Gratón! ¹⁾

Il fi ²⁾ di Micelín el passe vie
scossan'-si come un pôl spacât de buere;
plen di sussiego e di galanterie,
ocupât in-té-i guânç matine e sere.
In doi mès di lavôr lungh e costânt
el-è apene rivât a impirâ un guânt.

La campagne nò va mâl:
merit dut del canociâl.

Sebèn che 'vin petròlio a Cividât
'te-i mûrs la sere nò si pete il nâs;
parçe che l'è dut ben iluminât,
con-t-une infinitât di bechs.... a gâs!

Jugn

Garibaldi da un pièç l'è soterât,
ma el vîv simpri 'te-l cûr de umanitât.

Gran bièl timp! bielîs zornadis!
per lâ a fâ des spaçisadis!
Chês che son di maridâ
e' scomençin a oselâ.

Une volte si usave che lis sioris
e' vessin simpri il cavalîr servènt,
che lis servive sençe tantis stòris,

1) Prof. di caligrafie, piçul di stature.
2) Secondo, fi di siôr Sandri.

in dut chel che crodevin conveniént.
Cumò, nò i cavalìrs, ma 'vin i amis
che servissin pe's tiestis.... i marìc.

Isfât

Compatriòc a Rome

— Ciale cui che si viòd! S-cefin ¹⁾ a
(Rome?)
— Cìò! Salvadi!... çe sorte fortunade!
Lis montagnis stan fermis, ma la int
si finisc a incontrâ-le in qualchi strade.
— Iò 'o soi ca che l'è un pièc. 'O
(eri stuf

di lâ a-tôr remenón culí e culá,
e a Rome mi pâ di jessi a ciase mè,
parçe che, dut somât, l'è un gran bièl stâ.

— Po' tu hâs rasón: A Rome si
(sta ben!

Gran buine int, a chel che si capisc,
e bieí bocóns di fêminis, ti pâ?

— Per carità!... Se Mènie nus sintíss!..

— Po' çe del diaul! Nò is-e a
(Cividât?

— Po' nò: se tu savessis, ciâr Guidón,
'e jé culí daûr; si è ritirade,
par un ciárt afarût, in-t-ún portón.

— Mò brâs! Fases-o il uestri viác
(di gnoçis?

— Eh sí! sí! viác di gnoçis! Çe us-tu fâ,
dopo disevòt ains di matrimoni,
cumò j cápìte l'estro di viazâ!

Cussí — za che dovevi vigní a
(Rome —

'o l'hai ciapade sú par contentâ-le;
e' sin rivâc di sere, e par di il vèr
vin za tirade sú une mieze bale.

'Olc! e çe vin! *Vino delli càstelli!*

Lu 'vin bivût a çene! nò-l mincione!

— E ses-o stâc a l'òpere?

— Po' tás!

'Olc che j-u traí! Dís franchs une poltrone!
Fortune che sin visâc a timp!

1) A judicâ da l'últime quartine si ritèn che
si tratì di une storièle in buin part imaginade dal
poete. In ogni mùd nò si puedìn identificâ i
protagonis-c.

Çe-mût di sassinâ-ti un galantómp!

Ma 'o-nd-hai ciolte un sole, e cun chèi béc
sin stâc sintâc iò e Mènie un pòch par-òmpl!

Che il diaul la puarti, Mènie! Is-e
— Èco-le! (piardude?

— Ciale ca mò cui che l'è?!

— Corpo di Baco! Siôr Guidón Salvadi!
Çe bièl câs di ciatâ-lu. 'O hai tant plasê!

Lui al sta ben? Baste cialâ-lu in
— E a Cividât (muse!

— E' crepin di salût!

— E Jacum Gabriç? ¹⁾ E Maçocie? ²⁾ E
(Carli? ³⁾

— E' stan benón! Son plens di zoventût!
— Is-el un pièc che nò ha vidût miò
(pari?

— L'avocat? In chê dí che sin lâc vie;
'o lu hai ciatât cu-l frut, ⁴⁾ dut imburit,
che 'l faseve il stradón de ferovie.

Daûr di lôr vignive siore Amálie
ma lontane une vore, cun Mariute. ⁵⁾

Cìò, si capisc: 'e jé su-l'ingrassâ
e j plâs di spaçisâ cu-la sflaciute!

— Tiri-ti in bande, Mènie, l'è il
(tramvail

Òcio un ciavál! Po' ses-tu indurmidide?
Salvadi, fa'-nus viodi i monuménç,

e dopo 'olín bagnâ-si la pivide!

— Po' S-ciefin! Çe creançe distur-
(bâ-lu.

Has-tu di fâ-j-gi piardi il timp par nò?

— Eh! 'co sí trate di passâ un'orute
co-i patriòc, dut il plasê l'è miò!

*
**

Za che sin ca larín a viodi il *Foro*,
lu 'vin culí daûr!... 'e son doi pass!
Èco-lo!

— Folch! çe robe straordenárie!

Nò hai mai vidût in vite mè tanc class!

— Çe-mût (dís siore, Mènie) chist l'è il
lò lu hai ritignût simpri une buse! (foro?

— Has-tu sintût, Salvadi, çe ignorance?

1) Diletánt scultôr.

2) Sandri Maçocie dispensîr dai sâi e tabáchs.

3) Rinaldo Carli sottoprefèt in pensión.

4) Viòrio Podreche, chel dal *Teatro dei Piccoli*.

5) Sâr di Guido e mari di Vere Vergani.

— Oe! Siôr S-cieffin sapiënt! domandi
(scuse!

— Eco lassú ('o dis iò) il *palâc dei Cesars*
cun chês murais par-sore de's alturis!

— Çe maestât! çe imponence! çe splendôr!

— Çe fundamentis, folch! çe muraduris!
Nò si capisc come che vedin fat
a puartâ sù chês tananais di pieris!

— Viódis-tu Mènie, alí el durmive il rel!

— Iò 'o viòd dome une sdrume di maseris!

— E çe son-o chêi sonders lá vie sot?

— Jé la sale dei quatri imperatôrs!

— 'Olch! e çe salis! grandis come ciasis!
E' mi laressin ben par foledôrs!

— Vio's-tu, S-cieffin, chê stâncie? Messaline
lá 'e piciave i morôs butâc in bande!

— 'Olch la brusi! e çe mostre! Però e'
(disin

che foss un toch... come che Dio comande!

— Vergognôs di veciât! ('e sberle Mènie)

Ti plas-je áncie siore Messaline?

Pûr che nò sei so fêmine, chel cián,
el coreress daûr a ogni sgualdrine!

— Viodes-o chê colone? Lá, si dis,
che Cicerón ¹⁾ sberlâss cun Catiline ²⁾

— Po' se ere so fêmine, al doveve
doprâ un racli par fâ-le stâ cidine!

— Viódis-tu lá jú in-sòmp il Quirinâl ³⁾
e po', lá in alt, la Trinitât dei Monç ⁴⁾
e dac-quânc chêi zardíns a-tôr a-tôr
e chel palâc magnifich lá jú in fonç!

Eco *villa de Mèdici* ⁵⁾ lá-sù
par-sore chê culine tant lontane!

— 'Olch che j-u trusci, i miedis! e çe vile!
altri che a Çividât Durigo e Fane!

*
*
*

1) Marco Túlio Cicerón (106 — 43 prime di
Crist) famôs oratôr, filôsofo e om di stât.

2) Lúcio Sèrgio Catiline (108 — 62 prime di
Crist) plen di debic, l'ha tentât di fâ nasci la
rivolución a Rome.

3) Palâc a Rome scomençât l'an 1574.

4) Famose glésie donge plaçe di Spagne fa-
bricate fra il 1495 e il 1585.

5) Edificade nel 1560. Dal 1801 sede de Aca-
demie di France pâl perfeçionamént di zovins
artís-c

— Cio', Salvadi, ven gnót, e iò mi sint
un ciárt sbrondulamént. L'è miôr che 'lin
a mangiâ un bocugnút in qualchi sît
lá che si ciate un bon litro di vin.

— Po' ben, larín cu-l tram lá di Cor-
(nèlio ¹⁾)

l'è cafè, birerie e restaurânt;
si mângie mancùl-mâl, nò si spind masse,
e per di plui el'è cafè-*chantânt*.

— Benón! Eco il trambai! Mènie spessee!

— Cu-la paçiência! Spiete un momentín!

— Monte sù svelte!

— Che mi dej la man
'O hai ciapât il camúf in-t-ún rimpín!

— 'Olch e çe che si còr jú per lis
(ravis!
Po' nò mètín-o il slaif?

— E' son usâc!
— Orèss viodi culí Berto Balute ²⁾

che áncie cun lui si còr da disperâc!

— Ciale chel siôr, su-l marcia-pis, in
(cane!

— Po' lu cognòsc! Nò is-el Tofolón? ³⁾

— Si che l'è lui!

— Fasín fermâ il trambai!

— El'è biel-zà sparit 'te confusión!

— Po' du-lá lávi-el vie cussí imburit,
in soprabit, in cane e in baguline?

— Ma?! Cui sa mai: L'è simpri inda-
a pedinâ-nus qualchi signorine! (farât!

*
*
*

— Eco la birerie!

— Çe lûs elètriche!
Chestè culí 'e fâs clâr cu-i siei balóns!
Altri che chê di Udín, che fâs scûr
cun chêi quatri lumíns pe'i ciantóns!

— Corpo di bius! çe tante int! Po'
(is-e

simpri compagne chestè confusión?

— Sigûr! Però lá a-bâss el'è un taulín
disocupât, che 'l nus larâ benón!

— Salvadi, ordene tu!

— L'è za ordenât!

1) Rinomât ristorânt in plaçe San Lurinc in
Lucine, palâc Rûspoli.

2) Il naulisín di Çividât Zanute dit Balute.

3) Rugero, impiegât al Ministero des Puestis.

— Eco intânt la mignestre!

— 'E jé mò buine!

— Viódis-tu, Mènie, intânt che ca si mângie si sint áncie a sunâ la monfrine!

— Che 'l cialî, siôr Salvadi: su la liste l'è mitût il *potage* a un franch e mièç! Çe is-el chest *potage*?

— La mignestre!

— 'Oleh! cun chêi bês si compre áncie (un polèç!

— Eh, nò-l'è di fâ conç! (al sberle (S-ciefin)

Tu, Mènie, tu hâs di viodi e di tasê!

Nò stin fâ-si nasâ par une volte:

Quând che si è fûr, si paje chel che l'è! Ciale inveçi su-l palch lis balerinis!

— Tâsis-tu, S-ciefin! Ses-tu come un frut?

— Cîò! mi plâs áncie a mi di viodi giambis!

— Vergognosatis! E' nus mostrin dut!

— Po'-ben! lasse che mostrin. Çe (mâl is-el?

Al-fin jé dute grâcie dal Signôr.

Tantis e' usin mostrâ dome a scûr; chestis inveçe e' mostrin cu-l lusôr.

— Cîò', Guidón (al mi dîs S-ciefin (sot vòs)

Vio's-tu chê siore lá-di-sòt sintade?

— Nò jé tant siore; 'e jé cussí e cussí..

— Tas! che mi ha dât sot-vie une cimiade!

*
**

Ca l'afâr si fâs seri: Done Mènie e jé ocupade a mandâ jû il sorbèt: e so marît intânt cu-l tirâ il voli daûr di chê tâl siore, l'è za cuèt.

Jé, par dí il vèr, j va tignínd rebòt; Puer S-ciefin! nò ti ocôr pever né sâl. Cumò fûr di chês sgrifis nò tu s-ciampis, parçè che ha za nasât il provinciâl!

Di-fât, dopo un momént, 'e si jeve sú, j dá une gran ociade e po' 'e va fûr; e intânt che Mènie 'e glot il so sorbèt, lui, par cioli un virginie, j côr daûr.

E spiete che ti spiete

— 'Lá is-el S-ciefin? (e sberle siore Mènie spaventade)

— L'è lâ a cioli un sigher culí dúngie; 'o 'vin il tabacâr in-té contrade.

Ma S-ciefin nò-l si við; e siore va simpri plui fasint la muse sèrie. (Mènie Passe mièz'ore, e je 'e va bruntulând; passin tre quârc... 'e passe un'ore intèrie!

— Mostro di S-ciefin! Lá del folch (sará-el?

'Co 'l torne dúngie l'ha di fâ cun me.

— 'E ha rasón! Jé une gran brute part: lassâ une biele sponse come je!

— Po' che nò-l fasi complimènc!

— Da-bón

lò nò intindevi di fâ un compliment.

Se iò 'o foss so marît, j dîs il vèr, nò 'orèss lassâ-le sole un sòl momént!

— Is-e une part di fâ? stâ vie dôs (oris!

— Po' che si calmi. Se lu vess savût nò-lu lassavi lá fûr di bessòl;

'orèss zurâ che 'l si sará piardût!

— Sa-e çe che 'vin di fâ? El'è za l'è finît il spettacul, sin za a scûr; (tard; ca plui nò-l ven: Anín al lôr albergo, di chel el sa la strade di sigûr.

Siore Mènie 'e si jeve rissolude:


— "Ciolín une caroçe su-l momént. „ Si monte, e in un quârt d'ore si è a l'alber-e lá vie 'e mi minâcie un svenimént. (go,


La ciapi sot il braç e cu-la sflâcie 'o la meni di-sore in-té so stançe; e cun buine maniere o fâs dut-quánt chel che si fâs in simil circostançe.

*
**

Mostro di S-ciefin! sòl par 'vê un vir-o une Virginie, l'è stât fin lis vot; (ginie, e iò par obligh di compatriòt, j hai consolade Mènie dute gnot!...

'O hai premure di lâ a Palme, per afârs di astronomie; l'è cumò che 'l part il treno, ma nò voi par ferovie; soi sigûr di rivâ prin se voi vie cu-l caretín!






Guidòn Salvadi (Guido Podreche)

POETE


n. Vimercale 4 dic. 1865 m. Brooklin (New-Jork) 29 avr. 1923



Vigi Greát

Perit, poete e folkloriste

n. Orgnán 17 zen. 1860 m. 31 zen. 1913



Pre Josèf Comèl

Poete, strolich


n. a Nimis 5 fevr. 1860 m. 25 novemb. 1917



Zaneto Cossár

Fondatôr dal Museo provinciâl de Redençion di Gurige

n. in chê citât 4 otub. 1870 m. 1 dicemb. 1927



Avocat Checo Leitemburg
Comediografo

n. Cătaru 7 otub. 1843 m. Udin 17 març 1922



Dree Blanch (clamat Sflácie)
Poete e comediografo

n. S. Denel 8 març 1841 m. Udin 6 zenâr 1914



Checo Nascimbèn
Comediografo

n. Udin 11 zenâr 1851 m. 29 novembar 1915



Ròmolo Bianchi
Atôr dramatich

n. Udin 23 maj 1873 m. 14 avrîl 1928


$$2A^{2+} + H_2O \rightleftharpoons A_2O + 2H^+ \quad (1)$$

E' 'vin culí des ciaris fantaçutis ¹⁾
vignudis da la tiare dei narânç,
a puartâ sú fra chestis culinutis
la zentíl armonie dei lôr biei ciânç.
Son squasi di culí, ma 'te-i vôi e' han
il dolç splendôr del çil napoletân.

Luj

Ža da Trièst qualchi siorute e' ven:
chêi de Bâncie cumò nissún j-u ten!

Il formént el-indore la planure:
lis viç, lis pomis son in floridure.

Gesú Crist al diseve ai popolâns:
"De la justíçie 'e jé vignude l'ore!
E' sòn uestris i vins, i fens, i grans,
la tiere 'e jé dí cui che 'l la lavore."
Ma il contadín il frut de so fadie
el lu puarte al paròn che nò-l fâs nie.

'Ta-l timp dei bagnos, jé la gran que-
di fâ un stabilimént 'ta-l Nadisòn. (stiòn
Pe-s sioris, sore-dút, nò jé pretese
che si mostrin al publich in ciamese.
I omps e' puedin fâ çe che ur convèn;
ma un casoto pe's sioris el sta ben.

Il Pari Eterno ²⁾ al bute jú il liròn,
per cambiâ, a chel che disin, profession;
inveçe di sunâ des monferinis
el ciâte gust a menâ a spass triestinis.

Avòst

Oh, finalmentri a Cividât si torne
a zujâ su-la plaçe di balón;
si spache qualchi cop e qualchi gorne,
si romp qualchi ferâl, qualchi lastrón;
ma almancul si consumin dei balóns,
e cussí tanc e' fasín afaróns.

Un amigo land a ciaçe
el pes-ciave in-té-l çarfoi;
çe-non-è, tre contadíns

1) Lis fiis da l'insegnîr Checo Zampâr, che
stavín a Nàpoli e vignívín a vendemis 'ta-l lôr
palâç di Ciarárie.

2) Zaneto Serafin, sunadôr di liròn cun tante
di barbe.

saltin sú a fâ un gran davoì.
Pinf! e punf! Sore la schene
raclís, lens e tananais;
o çe bravo ciaçadôr;
l'ha ciapât... un grump di *quais!*

L'è San Donât ¹⁾: sintirín i ciantôrs
uacâ di bass, o-pûr uicâ in falsèt;
sintirín i struménç dei sunadôrs
ognún per propri cont, un stuárt e un dret;
sintirín massacrâ chêi puers autôrs
sençe misericòrdie né rispièt;
e mancúl-mâl che son autôrs todèschs,
che, se fossin culí, staressin freschs.

Setembar

Çe abundance 'te-i ciâmps e çe ligrie;
el'è il frut, lavorént, de to fadie!
Ma infín j reste l'aghe al contadín,
e il siôr, che 'l sta di-bánt, el bèv il vin.

Bruno Zampâr ²⁾, apene el criche il dí
el va a ciaçe; po' el còr a Çividât
po' el va a Udín cu-l treno di misdí;
dopo a ciavâl, e apene dismontât
el va in Ciarárie, e jú 'ta-l Nadisòn
el fâs il bagno; el tache il caretín,
par rivâ a la partide di balòn.
La sere nò-l sta fêr un momentín,
cussí che 'o cròd che il pôch di timp che j
lu piardi a meti tarmis in-té pance. (vançe

Çe nuvolóns pelòs, neris e bruç;
'e mi fasín paure... pe'i raúç!

I possidénç a-tôr di Çividât
dei cartei 'te-s campagnís e' han plantât;
per impedì a qualúnque di ciaça
e po' áncie se nò-l baste, di pes-ciâ.
Po' i pes-ciadôrs, cun dutis chês maserís,
han-o di pes-ciâ class in-té-s cunvieris?

Aufùn

Il timp de l'abundance

Culí corin caretis

1) Ai 21 di Avòst, pròtetôr di Cividât.

2) Fi da l'insegnîr Checo, candidât al Parla-
mènt.

pe-l plan e pe' montagne;
culá tons e fusetis
e il pâl de la cucagne.

Ca corin i sensai
a regalâ capòç;
lá fuchs, lusòrs, bengai
e bai dutis lis gnoç.
Culí táule bandide;
polèç, salámps, vigièl:
si bagne la pívide
svuedánd un caratèl.

Lá-sú conversaciòn
di sioris miscliadis
cun siòrs in veladòn
e cun miezis veladis:
Il cont e il botegâr,
il nòbil e il scatin¹⁾:
il miedi, il salumâr
il puer e il milordín.

Personis trascuradis
in altre circostanze
cumò son diventadis
personis d'importanze.

Ca il possidént al dá
la man al contadín;
e lu invidè a gustà
o a bevi un bicierin.
Il siòr al va a braçút
a ciase cu-l pitòch;
j fâs, cerciâ di dut,
el lu mande vie ciòch.

Duc-quanc e' son amis
tant che ris e fasui;
e ca di quindis dis
nò si cialerân plui.

Par-dút gran abundance
mai plui miòr di cumò:
Vive la fratelance!

Chel che l'è miò l'è to!
Fusetis, mortarèç
e bombis, sençe fin;
vigièl, salámps, polèç,

conserve, bire e vin!
Ce son-o dutis chestis
ligriis e confusiòns,
e batibuis e fiestis?
Son ca... lis eleciòns!

'Te-s bressanis di montagne
çe gran fruce di sfranzèi;
ma cun dute 'ste cucagne
nò si viòd un spèt di ucèi.

Su la fieste di bal a Ruvignâns
signorinis e zovins cortesâns
dopo 'vê fat per gust qualchi zirút
e' levin fûr de strade da-per-dút
çerciánd qualchi recèss o qualchi troi
per podè stâ qualchi momént be'-soi:
Ma, cialait mò ce gran fatalitât,
ogni ciantón el' ere za ocupât.

Otubar

O bièl otubar! ce malinconie
che metin in-tá-l cûr i bieî tramònc!
Quând che dei ciânc furlâns la melodie
'e si piârd da lontân in mièç ai monç.

Chist mès el'è pe'-i siòrs il mès plui ciâr:
Ma 'o pensi che pe-i puers l'è simpri unviâr!

Alegris, ciaçadòrs, che a Çividât
il salvadi da-bòn nò-l mánçie plui!
Se dure in-té-s fameis 'ste fedeltât
'o ciaçarín i ciârvs e i ciavriûi.

Tite Beline el' ha il so bon parcè
se nò-l'ûl 'vê Pre Antoni¹⁾ 'te-l cafè:
Di meti fûr la vòs el veve il viçi,
e chest el disturbave l'eserciçi;
el spaventave intânt duc i aventòrs,
e dopo el distudave áncie i lusòrs.

Novembar

Il Friûl chist an el'ha cambiât aspièt,

¹⁾ Persone di basse condiçion, artiste che al si ten sù.

¹⁾ Morandín, clamât Pre Vosón, ciantôr del domo.

dopo de l'an passât l'è dut cujèt ;
in Ciargne nò si viodin compagniis
che bevin gratis pe'lis osteriis ;
a Udin nò si viòd il carantân,
che 'l zirave çidin di man in man ;
a Çividât nò 'vin fiestis e bai,
e comèdiis e fuchs artificiali ;
a-lis Bassis, se-bén che 'l va svintând,
nò si viodin capòc dâc vie di-bând ;
e nò 'vin plui ligriis e confusions :
si capîsc : nò 'vin plui lis eleçions.

Lis vedranis si lamentin
che patiscin frêd la sere ;
plui nò-j baste l'aghe cialde
plui nò-j baste la fughere :
lôr e' 'oressin 'vê 'ta-l jet
un marit par sçalde-jêt.

Un ciaçadôr pe-i ciâmps el' ha zirât
doi dis, ma nâncie un bech nò-l'ha ciapât.
Çe stupit. Se-l restave a Çividât
el ciatave dei bechs in quantitât.

Decembar

Sintis-o ce creure e ce garbîn !
Nò-l reste che tacâ-si a un got di vin !

E' vegnin sù cumò ciârç pivelîns,
che uelin dâ-si il ton di moscardîns.
Dutis quantis lis modis e' han studiât
par parê aristocratichs di citât ;
ma dome de giachete a cialâ il tai,
si viòd che restin provinciali.

Unviâr

Ciâcaris di fogolâr

I.

— Pieri, spiégghi-mi un pôch çe che l'ûl
chist socialismo cussî nomenât ; (di

'o hai tant pensât su l'afâr... di spartî,
ma za l'è inutil... 'Co nò soi studiât ? !

— Il socialismo? Eco: 'e ha di vignî
une leç... çe si clamj-e?... leç di stât...
No ! spiète un momentîn... nò jé cussî...
Folch ! savevi ! e mi soi dismenteât !

El'è...! cumò...! cumò!.. l'è il mûd di fâ
une gran societât mûtuo-socòrs,
par-ché nissûn al vei di lavorâ !

Cussî, compâgns duc-quânc e puars
al fin âncie il pitòch al poderâ (e siòrs,
fâ di parôn e 'vê i siei servitòrs ¹⁾).

II.

El' entre in scene un tiârç :

— Nò savêss nie !

Invece il socialismo ben pensât
el' ha par fin di risparmiâ fadie
a chiste tribulade umanità.

Sicûr ! Quânc che duc-quânc stessin in
(rie
lavorând duc pe-l ben de societât,
nò si varêss plui tante ciarestie,
e fra la int tante disparità.

Plui nò saressin tanc poltrons di siòrs,
che cumò su-la tiare e' stan di-bând.
mangiând dei lavorénç sore i sudòrs ;
parcè che l'uguagliance nel lavôr
darêss a duc il pan, pûr risparmiând
al popul tante strúscie e tant dolôr !

Âncie chist an 'o hai fate la fadie,
ma finalmentri 'o hai finît la **Strie**.

Però che sei finide cussî prest,
scomèt che a tanc displaserâ. Del rest
per fâ-us conténç duc-quânc, 'o hai publi-
(cât
un volûm di poesiis a bon merçiât :
comprâi-lu lá di Fúlvio, e ciatarêss
di lei e di stâ alegris sin che orêss.

1) Chest prin sunèt si ciate a pag. 36, disp. III.

LA STRIE par l'an 1894

PREAMBUL

Son vot ains, mia mi pâr îr;
che 'l ven fûr il miò lunari;
e da alore, soi sincîr,
a ué, ciati pôch divari:
l'omp 'ta-l mond l'è simpri istèss
niârvs e ciâr e pièl e uèss.

Ma par di-le propri juste,
za la ciâr mi si inflamisc;
za si mole qualchi suste,
e la pièl s'ingrisignisc.
Mancul-mâl che la nature
mi ten sú la niarvadure.

Del ciaveli simpri scûr
anci-mò mi ten in bon:
il çerneli, di sigûr,
nò-l'ha fat il sfadiòn;
ma di bòcie 'o hai lavorât
e la barbe 'e ha blancizât.

Però il cûr l'è simpri istèss,
za vot ains, come cumò,
par-ché mai, zurâ-lu 'o puèsc,
nò-l si cambie il pinsîr miò;
il pinsîr, che simpri l'ûl
tornâ viârs il miò Friûl.

Sedi a Londre, o sedi pûr
a Parigi, o in altri sît
o d'Italie drenti e fûr
o, ca a Romè stabilît,
il miò cûr l'è simpri stât
ne-i ciârs lûghs de prime età.

L'è par chest che la mè **Strie**
si presente ad ogni anade,
in batèl o in ferovie,
di Zuán Fulvio a la clamade;
iò, bièl land pa-l mond in zîr
a je afidi il miò pinsîr.

E 'o vorèss che ai miei furlâns
'e puartâss dome fortune,
mai dolôrs, fregul malâns,
stagion biele ad ogni lune;

ma za-ché nò-l va dut ben,
la ciò'rês comê che ven.

Par esèmpli 'o devi meti
par dovê professionâl
che l'anade — 'o me-lu spieti —
buterà pluitòst a mâl:
da lis viç la malatie,
qualchi rap puarterá vie.

Il formént el sará s-ciârs
ma la blave un pôch plui ben,
di galete pôs afârs
ma, in compéns, bondánt il fen:
Nò-l'è un gener di grans luss
ma l'ocôr 'co si han tanc muss.

Però 'o cròd che nel complèss,
se si 'vess un pôch di sest,
si larèss denánt istèss
parçè al mond par duc l'è puèst:
se il mond foss come dîs iò,
si larèss miôr di cumò.

Duc varessin di lâ a vore
'te campagne o 'te çitât;
e duc-quânc fâ dome vore
di comùn utilitât:
solamentri il lavorâ
dess a duc drit di mangiâ.

Che lis tiaris lavoradis
sein di duc e di nissún,
e i prodòç de lis anadis
sein mitûç duc in comùn:
sol alore i lavorèç
nò varessin patimèç.

Son anadis di misèrie
a la int mánci-el il gran?
Svelç! in-bote: unê leç sèrie
par calâ a duc-quânc il pan:
nò i siôrs masse e i puerèç nie,
ma duc-quânc ecunumie!

E son ciossis — contadíns —

che fan simpri ridi il siôr :
stupidèc di buratíns !
dutis fotis, disin lôr.
Si capisc : son opinións
che nò plasin ai paróns.

Ma justície sante e vere
'te misèrie o 'te bondance,
jé che duc vedin maniere
di ciaça un bocón in pance.

Chest e' predicin chëi tris-c
che si clamin socialis-c ;
chest fintánt che flât varai,
iò, pa-l mond, predicierai.

Zenâr

Jé curiose che l'an, áncie chist an
al vei di scomençâ cu-l *prin de l'an*.

Par schivâ Unviâr, nò jé che une maniere :
Che l'an al scomençâss di Primevere.

Il prin quârt puarte garbín ;
jé la nèv su-l Mont Cianín.

Dis siore Bete : se chist frêd al dure,
per bius ! si inglaçe dute la nature !

Has-tu frêd, contadín ? po' sta contènt
che cu-i lens che tu tu hâs pa-i boschs
(tajâç,
par dut l'Unviâr si s-cialde il possidènt.

Fevrâr

Un af mât el va lá vie di un siôr,
in non di Dio, par domandâ un bocón :
— Nò 'vin nuje ! — al rispuind il servitôr,
e intánt in táule al puarte un biël ciapòn.

L'è stât curt il carnovâl,
pocis fiestis, qualchi bâl ;
pocis çenis dal tratôr
pocis máscaris a-tôr.
Mancul-mâl che buratíns,
fracanapis e arlechíns,

'e si-n' viôd ogni momènt
'ta-i Consèis e in Parlamènt.

El'è un frêd cián,
nò tu hâs tabâr ;
us-tu sudâ ?
Áncie la gnot
va a lavorâ !
Il siôr in oçi
l'è gnot e dí ;
ma lui el' ha
lens di brusâ.

Za mi pâr che vadi miôr ;
'vin serén su Mont Majôr.

Març

Nel momènt che il cián pontave,
lui, cun bon rispièt, pissave ;
quând che si jeve la pissocie
lui, pissánd, l'è lât in ócie.

Il contadín lavore
ma l'è simpri in malore ;
e il siôr, che nò-l fâs nie,
'a-nd-há di butâ vie ;
il contadín semene,
e al mángie a male-pene ;
il siôr nò-l bute un gran,
ma po' al si ten il pan ;
plante, cuinçe, lavore
lis viç il contadín,
e il siôr, vignude l'ore,
cápite a bevi il vin ;
il contadín al sude,
e al'ha polente rude ;
e' polsin' i paróns
ma e' mangin i ciapóns ;
cheste, sençe malície,
la clamin la Justície !

Sin sot la Pasche di Ressureción,
Jesú l'è muárt del popul pe' rasón.
Contadíns, ricuardait che Jesú Crist
'ta-l mond l'è stât il prin vèr soçialist.
L'è muárt e plui nò-l torne, chest si sa,
ma la so grande idee trionferá.

Giovanin¹⁾ l'ha declarât
che nò-l'ùl savè-nt di quais :
e l'è pront a regalâ
âncie l'última che l'ha.

Avrîl

Lis violutis, fantassinis,
e lis rosis ciarandinis
e' scomençin a cucâ :
Sveltis ! Fûr a spassisâ !

'Us disin i parôns che son ciariâc
di tassis fin par-sore dei clavei ;
e che par ches, vō-atris contadîns,
âncie a volê, nò 'us puedin tratâ miei :
Ma in conclusiôn lôr paîn l'esatôr
simpri cu-l frut del 'uestri dûr lavôr.

Çisiline ses-tu ca ?
Ti 'uei propri saludâ.
Sot i cops de ciase ven :
Çisilute ti 'uei ben !

Primevere

La morâl del di di 'uè

L'è plen di titui
e di medais,
l'è plen di càrichis
e tananais ;
duc lu rispietin,
j 'uelin ben ;
duc-quânc lu vènerin,
come convèn ;
mil compliménç :
Patrôn ! di ca,
Ben riverî !
Patrôn ! di là.
Su duc i afârs
el'ha une man ;
cun duc l'è simpri
bon cortesan ;
in-te-i Consèis,
Congregaçions ;
'te-s sagristiis,

in-té-s funcions,
in ogni ufiçi
simpri clamât ;
el'è une vere
autoritât ;

Ah si ! per Baco !
Propri l'ocôr
che duc j fasin
omâgio e onôr ;
l'è plen di bēc,
e di ogni ben ;
al mângie simpri
fin che l'è plen ;
el'è un gran omp,
el'è un omp râr.
Ves-o capît ?...
L'è un usurâr !

*
*
*

L'è sençe un boro,
l'è disperât,
nò-l'ha un amico
in-té citât ;
duc-quânc lu s-ciampin,
lu lascin stâ
e spess al reste,
sençe mangiâ ;
nò-l ciate a credit,
doi sold di pan ;
l'è calculât
mancul di un ciân ;
el'è un puar stupit,
el'è un puar omp :
Ves-o capît ?...
L'è un galantòm !

Çe bièl timp, bielis zornadis :
'e van ben pe's scampagnadis,
ma nò puèsc, e ches l'è il mâl,
bandonâ il miò canociâl.

Maj

Son doi ains che a la nestre Capitâl
iò nò fâs che fâ il Muss¹⁾ in-t-ûn giornâl.

1) Bront, pancôr di borch San Zuân, dit Caporâl.

1) Setimanâl umoristich anticlericâl "L'Asino".

Par chesť us visi: Za che il mès di Maj
el'è il miò mès, mandá'-mi dei regái.

La campagne si met ben,
l'è serén.
E la fuee promèt discrete,
la galete.

L'ha contát un giornál
che une saete, propri su-l plui biél
di un tremènd temporál,
e ha copát un muss l... iò nò soi chel.

La tempiešte chist an 'e fâs da-bòn:
'us puarte vie, pa-l diaul! mièç il racòlt;
l'altre metát la puarte vie il paròn.

Jugn

Siore Mènie jé usade a lâ a durmi
in buine compagne, sí che 'e pò dí
che il ciáld si fâs sintí
plui di gnot che di dí.

Oh çe soreli
e di chel bon!
L'è come un spieli
il Nadisòn!

Çe cucagne di formènf;
contadín, ses-tu contént?
Su! va a cuei! vâ-lu a ciariâ!
Il paròn... lu mangierá.

Istât

I studènc furláns a Rome

Une volte il studènt
ch'al leve fin a Pádue
al scomençave cu-l fâ testamènt,
e dopo, ciaçât dentri in-t-ún ciantòn
del famòs caretòn,
che cun pompe e clamavin "diligence",
el viazave cun dute la paçiençe

1) Avocat e musiciste a Udin, za assessôr
de l'isruçión

fin che 'l rivave strach e scossonât,
dopo vot dis, a l'Universitât.

Ma cumò che si márcie in ferovie,
el va jú a Rome e a Nápoli,
a Bologne, a Torín,
baste che al vedi bęc in-té-l tacuín;
siché il studènt — miracul del progrèss! —
el pò diventâ un'arche di sapiençe
sençe doprà l'antighe *diligence*.

A Rome, par esempi, che mi ciati,
dei furláns jé vignude la semençe
cun-tú-ñ çivaldès — nò fâs par dí-lu —
che 'l fâs onôr al so país: infati
'o viòd Bepo Comèl¹⁾
lunch, sutfil, gropolât come un camèl,
che in fat di onôr e buine volontât,
sençe lâ fin a l'Universitât
l'è bon di disvuedâ-nt un caratèl;
compagnât da Fachín
un udinès che nò j displâs il vin,
e qualchi volte áncie Tofolón
che 'l va pe's ostariis in veladón;
parçe che un impiègât
bisugne che al vei simpri
chel çíart ton — mi capís — di autoritât;
tant plui che un personágio come lui
l'è sigúr destinât
a diventâ ministro de lo Stât.

Duc-i-tré, rasonánd di economie
e di questión sociâl,
e' son bojns di sujâ plui di un bocâl;
e se po' si inrabiin,
'ta-l meti fûr lis váriis opinións
e' son áncie capâç
di mangiâ-si un cialdir di macheróns.
In fat di religión
e di cristiáns preçèç
Comèl al'è quartât par i polèç,
ma invece Tofolón
el sta per il vigièl, quánd che l'è bon.
Nò ocòr dí di Fachín
che, si capisc, nò-l viòd che il bicierin.

Nò sai se lu savès
che Comèl el'è un mostro di organíst,

e, sigûrs di fâ in lui un bon aquist,
lu vevin scriturât
a la capele de So Santitât,
dulâ che lui al leve in gran velade
par fâ-j qualchi sunade.
Ma apene che han savût
che il famôs organist
l'è diventât un diaul di soçialist,
sençe fâ tant sussûr
ma sençe compliment, lu han parât fûr.
E lui par vendicâ-si,
l'ha impegnât la velade
declarând che a San Pieri el'ûl tornâ
par fâ une gran sunade,
insieme a dute la popolaciôn,
dome in chê di de la rivoluciôn.

'Vin duncie a Rome, come vès vidût,
dei furlâns che a la pâtrie fan onôr;
ançi l'è di sperâ
che la colônie ogni an vei di aumentâ,
el'è ben che la nestre ziventût,
amânt del studi, e amighe del lavôr,
vegna a la Capitâl par imparâ.
E, par cont d'imparâ, zuri che chest
el'è propri il vèr puèst.
Baste di, che se âncie nò si va
lontân, insin a l'Universitât,
si ha da-per-dût il vin a bon merciât.

Çe s-ciafojâc!
'te-l Gorgh de Lese
coreit, fantâç,
sençe ciamese.

Luj

lò nò capisc: o sei la peronòspore,
'o qualchi altre nâine malandrete,
ogni an, âncie se il timp al bute ben,
'o mi ciati farmade la sachete.

I siôrs e' han inventâç tanc strolegheç
e dopo j han mitût il non di leç;
dut-quânt par sostignî chê infamitât
che si clame "private proprietât",
come se l'omp al mond nò-l vigniss nûd,

e nò fossin duc faç a l'istèss mûd.
Cussî lôr, cu-lis leç, fan lavorâ
i puers, e intânt e' pensin a mangiâ.
Bondâncie o ciaristie, il lavoradôr
simpri el patisc e al fâs il servitôr;
ma chel che 'l sta di-bând, in conclusion,
simpri al giòld, e po' al fâs âncie il parôn.
Ma di capî-le 'e jé vignude l'ore:
La tiare 'e jé di cui che'l la lavore!....

L'è magri il Nadisôn, sute la roje:
la campagne, da un pièç, domande ploje.

Lis quais son legris, che, par mâl che vadi,
chist an nò han pôre di Guidôn Salvadi.

Avòst

Intânt che 'o lavori in-tôr de **Strie**
un amigo mi ha fat un compliment
cun tante zentileçe e cortesie
che soi un ingrât se nò mi dis content.

E mi spiegave cun galanterie
che 'l miò lunari el'è propri un portént;
plen di spirit, di science, di ligrie,
che spietin duc come un avenimént.

L'ha concludût: lu dis par esperience,
ormai al to librut straordenari
sin tant usâç che nò si pò fâ-nd sençe.

Sì! ti zuri Guidôn, che il to lunari
par duc-quânc i furlâns di inteligence
l'è propri diventât il neçessari.

O çe viç! o çe ligrie!
Çe-tânt vin che si farâ!
Tu tu hâs fate le fadie
e il parôn lu bevarâ.

Corado ¹⁾, lant a ciasse a Medeusse,
disin che 'l vei ciatade une parusse;
e par nò usâ la sclope, chel barôn,
l'ha subit mitût fûr tant di vergôn.
La parusse, cussî, la si ciapave,
ma il visch di puer Corado nò-l tacave!

1) Gabrij, perit agrimensôr di Cividât.

TITUTE — *(di fâr e' fasîn bacân)* E une sole sodisfacion mi reste. Bandonât di duc: bandonât di Lúcie, sôl e disperât 'o hai ancemò dúngie la mê Esterine e lui che han vude compassiòn di mè. Pénsi-j, frute mê, pénsi-j *(la ciareçe)* Venânçio al-ul fâ-ti felîce, sepi aprofitâ, fâ-mi contént in cheste ore di dolôr.

ESTERINE — Sí, papá miò *(e slúngie la man a Venânçio)*

VENÂNÇIO — *(la ciape fra lis sôs)* Grazie, grazie Sior Tita. *(Venânçio ed Esterine felîç si abandonin su-l sofâ. 'Te strade un coro: — Titute Lalele Titute lalâ — Titute al côr su-l balcon e dopo:)*

TITUTE — Muse di dôs musis: al-è el segretari Mòmo Bressán ch'al-ha gambiade ancemò bandiere, ch'al dirês la dimostrarciòn, e i caporiòns e' son chêi, propri chêi che mi vevin destinât el monumént a ciavâl. *(al fâs un gest par fâ capî che nò-j impuarte)* Al diaul duc-quânc. *(al ciale Venânçio ed Esterine e dopo lant viârs la cusine:)* Cándide, Candidute mê, nò ses-tu ancemò tu par me?

PREST JÚ IL TENDÓN

AT TIÈRÇ

SCENE PRIME

Pre Noçènt sintât vicin de tàule al discôr cun Lúcie

PRE NOÇÈNT — 'E jé brute, comari, 'e jé brute avonde, a la vîlie dal matrimon di une fie jessi ancemò come el cián e 'l giât. 'O crodevi di rivâ ca par benedî i nuviç come ch' 'o hai prometûd, ma di ciatâ dut in pâs.

LÚCIE — 'O hai cirût dutis lis stradis, ch'al mi crodi.

PRE NOÇÈNT — 'O crodevi che specialmentri dopo la so nòmine a podestât di Surisîns al si 'vess dut cumbinât.

LÚCIE — Lu capîsc iò, ma come si fâs-ial. Lui al-è dûr 'ta-l so proposit e se al ciacare cun me l-è dome par conveniènçe e par nò dâ scandul, come ch'al dis lui.

PRE NOÇÈNT — Viód-je, comari, Tite nò-l-ha duc i tuárç. Je si è masse gioldude a fâ-lu rabiâ. Iò, come che hai prometûd 'o cirarai dutis lis stradis; 'o tornarai a tentâ e cui sa che cu-l tociâ el tast de podestarie nò rivi ad-ore a convînci-lu. J dirai come ch'al sedi brut chest stât di ciossis, specialmentri par lui, come autoritât e come pari.

LÚCIE — *(j presente un biciarin)* E' sin stâç áncie ué a fâ un zîr cu-l-áuto di Venânçio. Iò e Tite e' jerin sintâç daûr, un dúngie di chel altri, ma par dute la strade nò-l mi ha dite une perâule. Chel che mi fâs plui mâl al-è che la int 'e crôt ch' si ledi d'acordo come doi colómbes... e invessit.

PRE NOÇÈNT — E chest is-al bièl?...

LÚCIE — 'O soi stufe áncie iò, pre Noçènt; 'o soi stufe e 'o hai volût di dut propit a lui parçè che dome lui al podará fâ-mi un pôch di ben.

PRE NOÇÈNT — Nò baste sei stufs.

LÚCIE — Eh! lu capisc..... I caprissis j-u lassarai di bande.

PRE NOÇÈNT — Alore, comari, si sin capîç sençe tanc preámbui.

LÚCIE — Iò mi met in-te's sôs mans.

PRE NOÇÈNT — Va ben, va ben. Intánt cumò bisugne mandâ Cándide a viodi se la coriere 'e jé rivade.

LÚCIE — Cándide? Al-è un mès che nò jé plui in cheste ciase.

PRE NOÇÈNT — Çe novitâç!

LÚCIE — Sparidê sençe ch' 'o sepi nuje. Iò nò hai podût savê nuje. Iò 'o hai miôr, sa-al. 'E jere diventade plui che parone.

PRE NOÇÈNT — (*sól*) 'O sarèss curiôs di savê el parcè... Bisugnarèss lâ al camión a ritirà lis partecipacións di matrimoni che il stampadôr al 'veve quasi prontis ír, 'co soi stât a Udin.

LÚCIE — 'O voi iò... e grâcie intánt di dut. (*j dá la man*)

PRE NOÇÈNT — Pa-i amis plui ciârs mi soi simpri doprât e butâd in quatri e domán 'o sarai felîç se 'o podarai benedî-us duc-e-quatri in buine armonie e in pâs. Gnoçis dai fis e gnoçis d'arînt dai genitôrs.

LÚCIE — (*land vie*) Grâcie, grâcie, copari... 'o voi. (*vie*)

SCENE SECONDE

Pre Noçènt e po' Titute

PRE NOÇÈNT — Tuárt Lúcie... eh sí; ma áncie Tite nò-l-ha la cusciençe nete, lu zurarèss. (*al si acuârç che al ven Titute*) Oh! al-è ca (*land in-cuintri*) Copari benedêt, si viòd ch'al-ha fat viâç.

TITUTE — Altro che viâç; j contarai.

PRE NOÇÈNT — *In primis et ante omnia*, salût al secònd podestât di Surisîns. Nò hai podût vignî el dí da l'insediament ch' 'o jeri impegnât, ma par cheste seconde ocasiòn nò hai volût manciâ.

TITUTE — Grâcie, ma ch'al si figuri che par pôch áncie al secònd podestât di Surisîns j tociave lassâ lis sgrifis come a siôr Agnul Basandiele.

PRE NOÇÈNT — Eco, 'o vorèss savê alch in proposit; ch'al mi conti.

TITUTE — E' 'vin timp. J dis dome che al-ha fat la muárt che si meritave.

PRE NOÇÈNT — Nò stin a ciacarâ par rábie... *Requiem*, zaromai.

TITUTE — Ma la veretât...

PRE NOÇÈNT — Eh! anín po', anín...

TITUTE — Sí, anín. Al-è crepât par 'vê mangiât masse polente e gneur in ciase di chê buine lane di Mòmolò Bressán. Al si ere imbunît par une setemane dal sigûr, che iò lu cognoscevi ben. Tant ingòrd che dopo trente ains di Sindich al voleve gioldi la podestarie, áncie. Ma la justissie di Dio 'e toce simpri al segno. J han fat i funerali a spesis dal Común...

PRE NOÇÈNT — E questo fia suggel... Cumò bisugne ch'al regni lui par altris trente ains in pâs e caritât.

TITUTE — In pâs e in caritât... in aparençe, Pre Noçent, ma in pâs nò si puèsc stâ cu-l dolôr ch'al-è simpri vîv ca dentri (*al mostre il cûr*) Nò si puèss perdonâ.

PRE NOÇENT — El cûr.... el cûr.... s'al-è omp al-ha cûr; al devi savê áncie perdonâ.

TITUTE — A-lè juste un mês che le hai finide di capî el parcè che la mê fêmine e jere smaneose di mantecâ-si, di petenâ-si, di fâ-si bieles.

PRE NOÇENT — Montaduris, siôr Tite, montaduris.

TITUTE — Dome dopo muárt Basandiele 'o hai finît di capî el parcè che Lúcie mi veve bandonât e 'a jere diventade mate.

PRE NOÇENT — Fêminis, fêminis.

TITUTE — (*s-cialdan'-si*) Mi tradive, chê jene, mi tradive cun chel sassine-fameis e da un pièç 'e durave la solfe. Cândide j-u ha vidûç a bussâ-si, e in ciase mê, ca, ca dentri e me mi vevin siarât di fûr.

PRE NOÇENT — E metîn che sedi vere. Ma cumò, nò-l-è plui e se nò viôt dopli, dopo la promissîon di Venânçio cun Esterine, dopo la mê paternâl su-la moralitât, áncie Lúcie 'e ha fat un pass in-daûr.

TITUTE — Ma prime e ha spetât ch'al crepi, però.

PRE NOÇENT — El Signôr al sa ce ch'al fâs. Duc si puèsc falâ. *Tutti*, siôr Tite benedèt. Cród-jal di nò 'vê falât áncie lui?

TITUTE — Cui? iò?... Mai!

PRE NOÇENT — Bisugne interrogâ la cusciençe e savê perdonâ. Vué lui al-è 'te-s sôs glóriis di podestât, domán al vedarâ felisse la so Esterine.... Vorèss-jal restâ inrabiât cun je. 'E sarèss une magle nere in-t-une ocasiòn cussî bieles...

TITUTE — Nò, cun Lúcie al restará simpri un rusin ca dentri.

PRE NOÇENT — Ben, nò insíst... *Tutti possiamo far male... Chi è senza peccato scagli la prima pietra...*

TITUTE — 'O farai l'indiferènt, 'o cirarai di tratâ-le ben plui ch' 'o puèsc, ma perdonâ nò. Amis in aparençe, e baste. E po' j dirai che se iò 'o vess volût fâ mâl 'o varèss podût fâ-lu spess e vulintîr cun dutis chês sioris che mi mandavin lêtaris a vagóns. E' son stadis dôs ciargnelonis, su-l fâ di Cândide, che mi vevin propit tirât a ciment; e iò invessit, duro, simpri fedêl.

SCENE TIERCE

Venânçio ed Esterine

PRE NOÇENT — (*interomptnd*) Oh! i xe quâ i sposi. (*al va a saludâ-j-u*)

VENÂNÇIO — Pre Nozente complimenti (*a Tite*) E lu, siôr Tita, se galo rimesso dalo spavento?

TITUTE — 'Orpo 'o-nd-hai vude avonde.

VENÂNÇIO — Aventure de viaggio, caro Pre Nozente.

PRE NOÇENT — Se sa quando che se va e no se sa quando che se torna.

ESTERINE — El papá nò-l-è abituât a lis emoçions. (*e rîd*).

TITUTE — Emoçions? J ha manciâd pôch che il *secônd Podestât di Surisins* al lasci la piêl cun grande gionde di siôr Gênio ch'al varèss ciatât el puèst libar.

PRE NOÇÈNT — Po' ce is-al sucedût?... el mont-a-fin?..

TITUTE — La emossion plui grande la ciaparà lui siôr Venânçio quan-che scomençaràn a capitâ lis denunciis.

PRE NOÇÈNT — Che mi conti, che mi conti, signorine.

TITUTE — (*Mariute la massàrie si presente su-la puarte*) Mariute, servisc alch di bon. Ratafià e piscotîns di chêi che 'vin puartât di Martignâ.

VENÂNÇIO — Nò-l se disturbi, sior Tita. (*duc si sintin*)

TITUTE — Une gotute. (*Mariute 'e puarte e 'a servisc*)

PRE NOÇÈNT — A prososît, e Cándide?

ESTERINE — Nus ha lassâç tich e tach. Nò sai po' parcè.

TITUTE — 'E stave un pôch, pôch ben, ce saj-o iò...

PRE NOÇÈNT — Cumò la signorine mi contarà de gite che, secònd lis ciàcaris, 'e devi sei stade interessânt.

TITUTE — Al sintará ce massaliçis.

VENÂNÇIO — Se vede che lu nol xe abituà.

TITUTE — Alle emossioni, no.

ESTERINE — Ch'al si figuri che fin a Mussêt o' 'vin copadis dome dôs ocis. A Fagnigule, ciapât sot el purcît di S. Antonio.

VENÂNÇIO — (*a Titute*) Cara, che piaser sentirla a contar.

ESTERINE — (*continuând*) A Pantianîns 'o 'vin petât dentri in-t-ûn s-cialâr di fêminis che tornavin di Madone di Mont e lis 'vin fatis lâ dutis cu-lis giambis par-aiar e par ultin e' 'vin ciapât sot un muss.

PRE NOÇÈNT — E ce strage, par-bio!

VENÂNÇIO — La siora Luzia solamente la ga dimostrà un sangue fredo impressionante.

ESTERINE — Ma nâncie iò nò vevi pore.

VENÂNÇIO — Te geri vicin de mi.

TITUTE — Iò 'o pensavi a la podestarie e 'o soi stât contènt dome che 'ta-l viâç di ritorno parcè che nò 'vin fat nissûn massaliçi par vie che i ciavai che striscinavin la carete e la mächigne mieze scuancassade e' vevin une vore di sintimènt e voli sicûr.

PRE NOÇÈNT — Ben, ben; lodât Idio che son duc ca a' contâ-le e nò son sucedudis disgrâçis plui grandis. Une sole robe 'e mâncie ancemò ca dentri. E a chê bisugne pensâ-j, e subit par-ché domán a' si puedi gioldi in sante pâs e caritât.

TITUTE — E vignarèss a stâ-j?

VENÂNÇIO — Lu el comandi, el diga, che lo scolteremo e saremo pronti a esaudir ogni so desiderio.

PRE NOÇÈNT — Des matetâç des fêminis, caro siôr Tite, a la podestarie e' son sucedudis tantis robis che ca dentri e' han invèlegnât l'âiar. Pace, pace, sior Tita, pace generale e domán 'o benedirai lis gnoçis vecis e zòvinis.

TITUTE — Al'è inutil che al insisti ta-l so argomènt. Come ch' o' 'vin dit.

ESTERINE — Eh papá, al-ha resòn pre Noçènt, 'e jé ore di finî-le.

VENÂNÇIO — El desiderio de pre Nozente el xe più che giusto: pace, sior Tita, pace, pace.

(continue)